

16. oktober 2001

UKA2001/16

**Piniarneq aallaaniarnerlu pillugit Inatsisartut inatsisaata
allanngortinneqarneranik Inatsisartut inatsisissaattut siunnersuut**

pillugu

**Inatsisartut Aalisarnermut, Piniarnermut Nunalerinermullu
Ataatsimiititaliaata**

ISUMALIUTISSIISUTAA

siunnersuutip aappassaaneerreqarneranut saqqummiunneqartooq

Inatsisartut Aalisarnermut, Piniarnermut Nunalerinermullu Ataatsimiititaliaat
suliarinninnermini ukuninnga inuttaqarpoq:

Inatsisartuni ilaasortaq Johan Lund Olsen, Inuit Ataqtigii, siulittaasoq
Inatsisartuni ilaasortaq Lars Karl Jensen, Siumut, siulittaasup tullia
Inatsisartuni ilaasortaq Simon Olsen, Siumut
Inatsisartuni ilaasortaq Augusta Salling, Atassut
Inatsisartuni ilaasortaq Mads Peter Grønvald, Kattusseqtigii

Inatsisartut ataatsimiititaliaat UKA2001-imi Piniarneq aallaaniarnerlu pillugit
Inatsisartut inatsisaata allanngortinneqarneranik Inatsisartut inatsisissaattut
siunnersuut nassuiaatitai ilan-ngullugit misissuataarpaa.

Tusarniaanermi akissutisiat

Siullermeerinninnerup kingorna Aasiaat Kommuniannit aamma KNAPK-mit tusarniaanermi akissutinik Naalakkersuisut nassiussipput. Tamatuma saniatigut Aalisarnermut, Piniarnermut Nunaqarfinnullu Pisorta qarfiup KNAPK-p tusarniaanermi akissutaanut oqaaseqaatai tiguai.

Ataatsimiititaliap sulinera

Inatsisissatut siunnersuut ataatsimiititaliap ataatsimiinnerni marlunni oqaluuseraa.

Inassuteqaatit naalakkersuinikkullu oqaaseqarfiginninnerit

Inatsisissatut siunnersuutip nr. 2-a, paragraf 4a-mik ikkussinissamik siunnersuummut tunngasoq, innersuussutigalugu ataatsimiititaliap pisariaqartutut isigaa isumaginninnermi paaqqinnittarfiit inuussutissarsiutigalugu piniarnermut allagartaqartut piniagassanik sorldernik piniarsinnaanissaasa killiliivigineqarnissaa pillugu ilanngussisoqarnissaa.

Ataatsimiititaliap isumaqarpoq isumaginninnermi paaqqinnittarfiit inuussutissarsiutigalugu piniarnermut allagartaqarnikkut periarfissaqarnissaaq iluaqutigisinnaassagaat, tamatumunngali peqatigitillugu ataatsimiititaliap isumaqarpoq piniagassat arlallit ilaat killilimmik amerlassuse-qartut, taamaammallu inuussutissarsiutigalugu piniartunut taakku naatsorsuunneqartariaqartut. Aalajangersimasunut tunngatillugu ataatsimiititaliap isumaqarpoq isumaginninnermi paaqqinnittarfiit inuussutissarsiutigalugu piniarnermut allagartaqartut nannunik, aavernik arfernilluunniit angisuunik piniarsinnaatitaasariaqanngitsut. Tamanna pissutigalugu ataatsimiititaliap allannguu-tissatut siunnersuummik ilanngunneqartumik saqqummiussivoq.

Aamma ataatsimiititaliap pingaartillugu erseqqissarumavaa isumaginninnermi paaqqinnittarfiit § 4a naapertorlugu inuussutissarsiutigalugu piniarnermut allagartamik immikkut akuersissuteqar-nikkut tunisariaqalersinnaasut tassaasariaqartut isumaginninnermi paannittarfiit, inunnik peror-saanermi piniarnermik aallaaniarnermillu periaatsinik ukioq kaajallallugu atuisut. Taamaalil-luni ataatsimiititaliap isumaqarpoq isumaginninnermi paaqqinnittarfinnut piniarnermik aallaani-arnermillu killilimmik atuisut immikkut akuersissuteqarfigineqartariaqanngitsut. Assersuutigalugu isumaginninnermi paaqqinnittarfik ukiumut ataasiarluni qaammammik ataatsimik sivisussusi-limmik piniariartitsisartoq, tamatumali saniatigut piniarnermik aallaaniarnermillu ukiup sinnera-ni sammisaqartitsineq ajortoq.

Tamatuma kingorna Piniarneq aallaaniarnerlu pillugit Inatsisartut inatsisaata allanngortinneqar-neranik Inatsisartut inatsisissaattut siunnersuut

*allannguutitassaatus siunnersuutigineqartut ilanngullugit akuerineqaqqullugu
ataatsimiititaliap inassutigissavaa.*

Taama oqaaseqarluni Inatsisartut Aalisarnermut, Piniarnermut Nunalerinermullu
Ataatsimiititali-aata Piniarneq aallaaniarnerlu pillugit Inatsisartut inatsisaata
allanngortinneqarneranik Inatsisar-tut inatsisissaattut siunnersuut
aappasaanigassanngortippaa.

Johan Lund Olsen,
siulittaasoq

Lars Karl Jensen

Simon Olsen

Augusta Salling Mads

Peter Grunvold

**Piniarneq aallaaniarnerlu pillugit Inatsisartut inatsisaata
allanngortinneqarneranik Inatsisartut inatsisissaattut siunnersuummut**

a l l a n n g u u t i s s a t u t s i u n n e r s u u t

Inatsisartut Aalisarnermut, Piniarnermut Nunalerinermullu Ataatsimiititaliaannit

saqqummiunneqartoq

§ 1-imut

1. Nr. 2-mi siunnersuutigineqartut § 4a, imm. 1-ip, oqaasertalerneqarnerani
oqaaseqatigiit aappaattut ilanngunneqassapput:

"Aalajangersagaq una malillugu inuussutissarsiutigalugu allagartamik immikkut akuersissuteqar-nermi Naalackersuisut uumasut aalajangersimasut aallaaniarneqarsinnaaneratt killiliivigisinnaa-vaat mattussinnaalluguluunniit."

N a s s u i a a t i t

Nr. 1-imut

Siunnersuuteqartut oqaatigaat piniagassat arlaqartut killilimmik amerlassuseqartut. Taamaammatt taakku inuussutissarsiutigalugu piniartunut naatsorsuusaasariaqarput, taamaammallu allannguu-tissatut siunnersuutikkut siunnersuutigineqarluni aalajangersakkamik ilanngussisoqarnissaa, taamaaliornikkut Naalackersuisut isumaginninnermi paaqqinnittarfiit inuussutissarsiutigalugu aallaaniarsinnaanermut allagartallit uumasunik aalajangersimasunik aallaaniarsinnaanerannik killiliisinnaasunngortinneqarlutik mattussisinnaasunngortinneqarlutilluunniit.